

Акафист святителю Иннокентию Московскому

Кондак 1

Избранный святителю и добрый пастырю Христова стада, всю твою душу и сердце, ум и крепость на служение Господу предавший, в дальних пределах неустанно трудившись, не земного ради воздаяния, но Святыя ради Церкви и спасения всех. Мы же, твоего великаго духовнаго сокровища наследники, приносим ти хвалебную песнь. Ты бо, предстои Престолу Господа Славы, ходатайствуеши о земли нашей и людех ея. Сего ради, совокуплены во Единой Святей Православней Церкви, благодарственне воспеваем ти: **Радуйся**, святителю Московский Иннокентие, Сибири и Америки просветителю!

Икос 1

Ангелом подражатель нравы твоими был еси, святе Иннокентие, и миру просиял еси яко новый апостол, от малыя веси Сибирския даже до земли Американския прошедый, измлада бо избра тя Господь, да просветиши светом Православия темныя языки Аляски, Сибири и Камчатки, иже вкупе с нами чтут тя песненными похвалы сицевыми:

Радуйся, проповедати Евангелие возжелевый;

радуйся, благовестити народом темным возревновавый.

Радуйся, Милосердному Искупителю человеков подражавый;

радуйся, неведущим Бога милость источавый.

Радуйся, смиренный делателю жатвы Христовы;

радуйся, добрый вертоградю сада Иисусова.

Радуйся, апостолов Христовых истинный последователю;

радуйся, благовестниче языком Севера и Приамурия.

Радуйся, наставниче и учителю алеутов и колошей;

радуйся, светильниче пресветлый эскимосом и коряком.

Радуйся, провидче преславных дел Божиих;

радуйся, здателю Православныя Церкви во Америке.

Радуйся, святителю Московский Иннокентие, Сибири и Америки просветителю!

Кондак 2

Видя разум твой и многия дары, Богом тебе данные, наипаче же радость твою велию во служении Богу и Церкви Святей Его, благочестивый сродник твой наставляше тя в вере и благочестии, да от малых лет воспоиши Богу: **Аллилуиа**.

Икос 2

Разум духовный от юности твоея Богом ти даровася, во еже служити Ему во вся дни живота твоего. Сего ради во учении Христове непрестанно поучался еси и в сан священник поставлен был еси, да паству твою добре во благочестии наставиши. Мы же, дивящися

святости житія твоего, празднуем с веселием память твою, зовуще ти сїце:

Рáдуйся, настáвники премúдростию удивívый;
рáдуйся, во вся́цем учéнии и дéлании преуспéяние явívый.
Рáдуйся, ра́бе усéрдный, талáнта Божéственного не сокрýвый;
рáдуйся, подви́жнице, егóже стопы́ от Бо́га исправля́ются.
Рáдуйся, смире́ние и крóтость возлюбívый;
рáдуйся, ко хвалéнию Бо́га духо́вных чад тво́их подви́гнувый.
Рáдуйся, Ева́нгелие велегласно проповéдавый;
рáдуйся, Пресвяту́ю Трóицу благочéстно просла́вивый.
Рáдуйся, по́двиги тво́ими дýши блíжних тво́их возвесели́вый;
рáдуйся, вели́кими труды́ тво́ими лени́выя обли́чивый.
Рáдуйся, вся талáнты тво́я на служéние Вы́шнему употребívый;
рáдуйся, и нас на служéние Бо́гу и блíжнему подвизáй.

Рáдуйся, святителю Москóвский Иннокéнтие, Сиби́ри и Амэ́рики просветителю!

Кондак 3

Сїла Вы́шняго укрепі́ ты к воспрія́тию Божéственного призв́ания на служéние апóстольское на Аля́ске. Тёмже в путьш́ествие вельмі́ дáльнее и трúдное ко Амэ́рице Рýсстей мýжественно устремі́лся есї́ купно с супру́жницею, ма́терию-ста́рицею и младéнцем ча́дом, Бо́гу же из глубины́ сёрдца твоего́ воспева́л есї́: Аллилу́иа.

Икос 3

Име́яше воистину́ ве́лия благодáть тебé да́тися, óтче Иннокéнтие, во éже сотвори́ти дела́, челове́ческая сї́лы превосходя́щая. Стран́ствие бо до́лгое и притру́дное соверши́л есї́, места́ див́ия и мо́ре многомяте́жное прешéл есї́, и вся препя́тия превозмо́гл есї́, благовэ́стия ра́ди Хри́стова. Тёмже и мы, по́двиги тво́ими вдохновля́еми, вопие́м ти сїце:

Рáдуйся, Сиби́ри и Амэ́рики апóстолу;
рáдуйся, земéль дáльных востóчных и за́падных святителю.
Рáдуйся, сто́лпе Правосла́вия непоколеб́имый;
рáдуйся, проповéднице ве́ры неустраши́мый.
Рáдуйся, до́брый па́стырю, дýшу за о́вцы полага́й;
рáдуйся, моли́твеннице, дерзнове́нно о пасóмых Бо́га умоля́й.
Рáдуйся, моря́ хладная́ без стра́ха покорívый;
рáдуйся, ко́рмчим и морепла́вателем мýдрый настáвник бы́вый.
Рáдуйся, Ева́нгельским ловце́м челове́ков уподо́бивыйся.
рáдуйся, мра́за, ску́дости и трудóв ве́лиих не убо́явыйся;
Рáдуйся, А́нгелы Господни́ми храни́мый;
рáдуйся, Ду́хом Святы́м руковод́имый.

Рáдуйся, святителю Москóвский Иннокéнтие, Сиби́ри и Амэ́рики просветителю!

Кондак 4

Бури ветров морских и помышлений сумнительных не поколебаша
тя, блаженне Иннокентие, егда, Ангелы посреде волн хранимый,
достигл еси безбедно отока Уналаски. Темже, приклонив колена,
воспел еси купно со сродники твоими на бреже морстем Ангельскую
хвалобную песнь Богу: Аллилуиа.

Икос 4

Слышаша, Богомудре Иннокентие, ближнии и дальнии величие дел
твоих, яко, уподобився святым Кириллу и Мефодию, избрел еси
письмена алеутом и иным племеном северным, во еже славити им Бога
Истиннаго своим си языком. Темже трудился еси неустанно, предлагая
Писание, чин службы Божественныя и поучения книжная на языки
туземныя. Мы же, прославляюще Бога, даровавшего нам светильника
такогого, вопием ти с радостию:

Радуйся, просветителю языков, во тьме и сени смертной сидящих;
радуйся, благовестителю Троицаго Бога во странах полунощных.
Радуйся, Церковь Христову на камени твердом строивый;
радуйся, семена благая на ниве благодной мудро сеявый.
Радуйся, равноапостольным учителем словенским единоправный;
радуйся, святителем российским единомысленный.
Радуйся, незлобивых алеутов Смиренному сердцем вручивый;
радуйся, свирепых колошей Судий Праведному покоривый.
Радуйся, неведущим Истины Христовы учителю неложный;
радуйся, в неверии сущим богатства веры неисчерпаемаго
подателю.

Радуйся, малое стадо Христово воедино собравый и умноживый.
радуйся, шаманов, волков хищных, к покаянию приведый.

Радуйся, святителю Московский Иннокентие, Сибири и Америки
просветителю!

Кондак 5

Боготечная звезда явися тебе святого Иннокентия Иркутскаго
подвиг. Ты же, свету тоя последуя, путьствоваше непрестанно в
места дальняя и непроходимая, на ладиях утлых, на еленях и псах, от
веси в весь, от отока к отоку, заблудшия овцы взыскую, веру правую
языком возвещая, во имя Отца и Сына и Святого Духа крещая. Храм же
во имя Вознесения Господня со чады твоими алеуты на отце Уналасце
воздвигл еси, верныя научая спасающему тобою Богу зыватьи:
Аллилуиа.

Икос 5

Видевше людие алеутстии подвиги и труды твоя, притекаху к тебе
яко к доброму пастырю, внимающе всякому слову, от уст твоих
исходящему. Ты же, велие попечение о них имея, милость всякую сим
являл еси: недуги врачевал еси, скорбныя утешал еси, училища

отроком устраял еси, во еже наставляти тех во Истине, сего ради слышиши от всех сие:

Радуйся, мрежею словес языки уловивый;
радуйся, любовь Евангельскую чадом твоим явивый.
Радуйся, храмы своими руками созидавый;
радуйся, паче же души пасомых возвращавый.
Радуйся, Господу Иисусу и апостолу Павлу в трудех подражавый;
радуйся, яко нуждам твоим и ближних послужиша рuce твой.
Радуйся, тектоне, Великаго Архитектона учениче;
радуйся, Евангельских рыбарей достойный приемниче.
Радуйся, многая делания чадом твоим изъяснивый;
радуйся, здати, ковати и плинфы делати люди научивый.
Радуйся, Сущаго прежде век проповедавый;
радуйся, земная познания стяжавый, да Единому Богу послужиши.

Радуйся, святителю Московский Иннокентие, Сибири и Америки просветителю!

Кондак 6

Проповедника велія и Богоносна чтут тя, преблаженне Иннокентие, земля Сибирская, Камчатка и Америка, ты бо благовестил еси Христа Бога языком малым, темным и не книжным, храмы воздвигл еси, отроки, мужи и жены в Писании Божественном наставил еси, письмена новая изобрел еси и вся научил еси взывать Богу: Аллилуиа.

Икос 6

Воссиял еси свет животный людем земли полунощныя, Христовым учением тья просвещаяй, святителю отче Иннокентие. Восхотел бо еси прострети апостольския труды твоя даже до земли Нушегакския, идеже прежде не бе проповедника. Сего ради народи эскимосстии, узревше тя, яко Ангела света, спасение благовестити грядуща, и яко пастыря добра, душу свою за овцы полагающа, в реце Нушегак аки в новом Иордане крестяшася, с нимиже и мы воспеваем ти сие:

Радуйся, святую веру насадивый;
радуйся, прелесть идольскую искоренивый.
Радуйся, просветителю велий племен северных;
радуйся, учителю во мраце неведения сущих.
Радуйся, чистоты веры православныя усердный хранителю;
радуйся, мудрых и не книжных Богодохновенный наставниче.
Радуйся, Христа славити всеми языки завещавый;
радуйся, ересь триязычную поправый.
Радуйся, светильниче света Христова;
радуйся, благовестием полярную ночь озаривый.
Радуйся, слова Божия правый толкователю;
радуйся, мира Христова всюду насадителю.

Радуйся, святителю Московский Иннокентие, Сибири и Америки просветителю!

Кондак 7

Хотя Всеблагий Господь веру православную во странах полунощных утвердiti, повеле ти во граде Новем Архангельске на отце Ситке подвиги твои продолжити, идеже людие тлингитстии, гордии и непокоривии, живяху. Сего ради апостольския труды твои умножил еси, нравы, обычаи и язык людей сих колошских познавая, да возможеш на сродном им наречии Слово Божие благовествовати, да и ти некогда от всея души возопиют Христу: Аллилуия.

Икос 7

Новое поприще, велие и трудное, благодатию Божией совершал еси, Самому Святому Духу тебе споспешествующу, колоши бо, мором лютым устрашении и помощь православных людей русских уразумевши, начаша Слово Божию внимати, покаяние приносiti и путь спасения познавати. Мы же, ревности твоея о спасении всех человек дивящися, возглашаем:

Радуйся, просветителю инуитов и индейцев;
радуйся, благовестителю тунгусом и якутом.
Радуйся, таланты своими всех удививый;
радуйся, Господеви, а не человеком угождати учивый.
Радуйся, души, вкупе же и телеса врачевавый;
радуйся, мудрый книжнице, вся полезная на служение Богу поставивый.
Радуйся, мужем книжным, купцем и ловцем полезная возвестивый;
радуйся, молитвами и искусством кораблецы многажды от потопления спасый.
Радуйся, всех чтущих тя во Христе утверждение;
радуйся, наставниче добрый ко спасению.
Радуйся, до последних дней на ниве Господней трудивыйся;
радуйся, и по смерти от паствы твоея любовью не отлучивыйся.
Радуйся, святителю Московский Иннокентие, Сибири и Америки просветителю!

Кондак 8

Странствие велие вокруг всея земли совершил еси, да возвестии архиастырем Российским о возлюбленных духовных чадах твоих, слова Божия алчущих, и умолиши послати делателей на жатву Христову, и преложения Писания Священнаго на язык алеутский напечатати можеш. Творца в предивных творениях Его в путьшествии твоём созерцавый, достигл еси града Святого Петра и благодарственне воспел еси Богу: Аллилуиа.

Икос 8

Всего себе и чад твоих Промыслу Милостиваго Бога предал еси, весть о блаженной кончине супружницы твоея мужественно восприем. Звание же ко иночеству от святителя Филарета Московскаго слыша,

посеті святѣни Москóвскія и Кіевскія, Гóсподу о вразумлѣнии и дарованіи ти благодáтныя пóмощи усérдно моляся. Тѣмже чин Ангельскій и сан архиерейскій, благодаря Бога, воспріял еси, и святитель Камчатскій, Курільскій и Алеутскій наречѣн был еси. Мы же, воспоминающе сія, дерзаем вопіти к тебе сице:

Рáдуйся, крест монашескій мўжески подъявый и Христу послéдовавый;

ра́дуйся, в сан святительскій благодатию Бóжиею возведѣнный.

Рáдуйся, Иоанну Крестителю в крещѣнии людей поревновáвый;

ра́дуйся, Кириллу и Мефодію в трудѣх апóстольских равный.

Рáдуйся, Стефана Пѣрмскаго дóблестный собрате;

ра́дуйся, Трифона Пѣченгскаго духовный наслѣднице.

Рáдуйся, Гѣрмана Аляскинскаго священный преѣмнице;

ра́дуйся, Николая Японскаго слáвный наставнице.

Рáдуйся, Иннокѣнтія Иркутскаго ѣстинный подражателю;

ра́дуйся, Филарета Москóвскаго великій послéдователю.

Рáдуйся, венцем терпѣния на землі венчанный;

Рáдуйся, свѣтом вечным на Небесі осіянный.

Рáдуйся, святителю Москóвскій Иннокѣнтіе, Сибіри и Амѣрики просветителю!

Кондак 9

Вси людіе земель Алеутских, Америкáнских и Камчатских возрадовашася зело, видяще святителя нóваго, с пáстырьми дóбрыми к ним прибывшаго. Той же пáки умножи попечѣния своя о устроѣнии и укреплѣнии Цѣркве Христовы. Повелѣ же училище духовное на отóце Сйтке учредіти, да вси, научѣние книжное zde приѣмлющии, Гóсподу Сил взывáют: Аллилуиа.

Икос 9

Ветѣи многовещáннии не возмóгут исчѣслити вся твоя путьшѣствія, труды и начинáния во епáрхии твоѣй, яже на тѣсящи поприщ простирашеся, и премно́гия язѣки и племена в себѣ содержá. Ангели же Бóжии и сподвѣжницы твои ликовствовáху, егда пáки послáл еси пáстыри и проповѣдники на Аляску и во вся дáльняя мѣста Сибіри Востóчныя, да вси язѣцы познают веру ѣстинную. Сего́ рáди вопіем ти сице:

Рáдуйся, апóстолу ѣстинный края арктическаго;

ра́дуйся, пѣрвый иерáрше во Амѣрице.

Рáдуйся, Прóмыслом Бóжиим на святительство призванный;

ра́дуйся, святителем Москóвским Филаретом укрепляемый.

Рáдуйся, ѣстинный образе архипáстыря правослáвнаго;

ра́дуйся, не дрѣвле, но ныне подвизáвыйся.

Рáдуйся, верши́но, облаки заблуждѣний превосходящая;

ра́дуйся, пристáнище, от козней злых духов укрывáющее.

Рáдуйся, иноплемѣнных вóев не убоявыйся;

ра́дуйся, злобу тех му́дростию на кро́тость преложи́вый.
Ра́дуйся, яко апо́столи, язы́ки иноро́дными веща́вый;
ра́дуйся, ле́ствицу восхожде́ния в Ца́рство Небе́сное нам указа́вый.
Ра́дуйся, святи́телю Моско́вский Иннокенти́е, Сиби́ри и Аме́рики
просвети́телю!

Кондак 10

Спасти́ хотя́ всех Жизнода́вец Господь, благоволи́ зѣмли Яку́тския
и Аму́рския попече́нию твоѣму́, святи́телю о́тче Иннокенти́е, ввѣрити.
Зде же труды́ твои́ми но́вии хра́ми возведо́шася, учи́лища откры́шася,
Писа́ние Божѣственное на язык яку́тский преложе́но бе. Ты же сам,
Бо́гом водимый и А́нгелы укрепля́емый, посеща́ше лю́ди язык
непросвещѣнных, бесе́ды, нра́вы и обы́чаи тех изуча́я, о́браз ве́ры и
благоче́стия сим явля́я, науча́я непреста́нно зыва́ти Богу: Аллилу́иа.

Икос 10

Стена́ еси́ всем, о правосла́вней ве́ре ревну́ющим и к заступле́нию
твоѣму́ с наде́ждою притека́ющим, свѣтче Божий Иннокенти́е. Ты бо
о́браз в себѣ самѣм явил еси́ и словесы́ мно́гими поучал еси́, ка́ко
подобает трудѣ́тися ра́ди просвещѣ́ния не ве́дущих И́стины Христо́вы.
Моли́твами же и ходата́йствы твои́ми вели́кий край Приморо́ский и
Усурийский ко Оте́честву на́шему мирно приложи́ся. Сего ради,
вспомина́юще по́двиги и труды́ твоѣя, зыва́ем ти та́ко:

Ра́дуйся, добродѣ́тельми, яко висло́ном, украше́нный;
ра́дуйся, премудростию Соломо́ну подобный.
Ра́дуйся, яко апо́стол Иоа́нн Богосло́в, Господа возлюбѣ́вый;
ра́дуйся, сему́ же и ма́лая ча́да твоѣя учѣ́вый.
Ра́дуйся, Ева́нгелие на язы́ки тузе́мныя преложи́вый;
ра́дуйся, учи́лища И́стины Божѣственныя основа́вый.
Ра́дуйся, се́мена Сло́ва Бо́жия в землі Америкáнстей насе́явый;
ра́дуйся, трубо́ сладкогласная Ева́нгельскаго благове́стия.
Ра́дуйся, ни́щим и убо́гим благотвори́телю;
ра́дуйся, о лю́дех ру́сских непреста́нный моли́твенниче.
Ра́дуйся, гра́да Благове́щенска духо́вный основа́телю;
ра́дуйся, о благоде́нствии Оте́чества ходатаю́

Ра́дуйся, святи́телю Моско́вский Иннокенти́е, Сиби́ри и Аме́рики
просвети́телю!

Кондак 11

Пе́ние Всемо́гущему Бо́гу па́че иных принѣсл еси́, свѣ́те
Иннокенти́е, жити́е твое просвещѣ́нию неве́рных посвятѣ́вый, свет
Ева́нгельский да́же до конѣ́ц землі донесѣ́ый, стопы́ свои́ми всю
вселѣ́нную прешѣ́дый. При конѣ́ же жити́я твоего́ призван был еси́ на
служи́ение святи́тельское во град первопресто́льный Моску́, о сем же
со стра́хом и смире́нием Бо́гу воспѣ́л еси́: Аллилу́иа.

Икос 11

Светозарнаго светильника обрете в тебе, святителю Иннокентие, земля Русская, уподобився бо вселенским учителем, паству Российскую добре упасл еси, не забыв и духовная чада твоя Аляскинская, поревновав о них даже до дне успения твоего. Мы же с ними согласно вопием ти таковая:

Радуйся, свет миру и соль земли явивыйся;
радуйся, светильниче, во тьме заблуждшим сияяй.
Радуйся, покаянныя молитвы наша ко Владыце приносяй;
радуйся, и сам о нас к Немю вину моляся.
Радуйся, светлое Православия проповедание;
радуйся, златозарное света Евангельскаго сияние.
Радуйся, велий во Царствии Божии нареченный;
радуйся, на земли в Церкви Господней прославленный.
Радуйся, истинныя веры исповедниче;
радуйся, Царствия Божия наследниче.
Радуйся, языком темным двери Царствия Небеснаго отверзый;
радуйся, премудро строити Церковь во Америке завещавый.

Радуйся, святителю Московский Иннокентие, Сибири и Америки просветителю!

Кондак 12

Благодать просвещения, мира и друг ко другу любви испроси нам, святителю Христов Иннокентие, Евангелие Христово до конца жития своего благовествовавый! Завещал бо еси не плакати, но паче радоватися о преставлении твоём, словес похвальных над гробом твоим не глаголати, токмо славу Промыслу Божию воздати. Отшел же еси мирно в вышняя селения, Христовы Тайны прияв. Мы же, радуящиеся таковому смирению твоему, вопием Богу: Аллилуиа.

Икос 12

Поюще труды твоя и подвиги, такожде и дивное житие твое на земли, прославляем тя, святителю Христов Иннокентие, в тебе бо Бог, в Троице прославляемый, дивно прославися. Темже смиренно молим тя: силу свыше во укрепление Православия ниспосли, на враги видимыя и невидимыя победу даруй, да со всеми языки, тобою ко Христу приведенными, купно и мы воспеваем ти похвалы сия:

Радуйся, поминающих тя поминаяй;
радуйся, нестроения посреде чтущих тя исправляяй.
Радуйся, непорочности тезоименитый;
радуйся, молитвы делателю неусыпный.
Радуйся, Православия твердое ограждение;
радуйся, неверия и лжи изобличение.
Радуйся, Троицу Святую богомудре исповедавый;
радуйся, Евхаристию совершати своим си языком народы научивый.

Ра́дуйся, реко́ духо́вная, стра́ждущую пу́стыню напо́яющая;
ра́дуйся, многоце́нный сосу́де Ду́ха Свята́го.

Ра́дуйся, Торжества́ Правосла́вия дальнoзрителью;

ра́дуйся, о всем мире те́плый ко Го́споду моли́твенниче.

Ра́дуйся, святителю Моско́вский Иннокенти́е, Сиби́ри и Аме́рики
просветителю!

Кондак 13

О, преблагословенне отче Иннокенти́е, просвещение́ всех Христа́
и́щущих, ны́нешнее ма́лое наше прие́мля приноше́ние, вся лю́ди
правосла́вныя от находя́щих зол и бед свободи́, в ми́ре, любви́ и
единомы́слии соблюди́, и в Ца́рствии Небе́сное предста́тельством
твои́м приведи́ вся ны, да с тобо́ю воспева́ем: Аллилу́иа.

Молитва

О па́стырю до́брый и учи́телю прему́дрый, о́бразе благонра́вия всем,
благоче́стно жи́ти хотя́щим, святителю отче наш Иннокенти́е! К тебе,
яко чада ко отцу́, прибега́ем и мо́лимся, помина́я твою́ любви́ к лю́дем:
бу́ди щит несокруши́м Святе́й Це́ркви Правосла́вней и Оте́честву
нашему, архиере́и благоле́пием святите́льства и прему́дростию украси́,
па́стырем в служе́нии ре́вность да́руй, мона́шествующия к подвиго́м
до́браго тече́ния в послуша́нии утверди́, правосла́вным христиа́ном
ве́ру святу́ю непоро́чну соблюсти́ умоли́, мир весь предста́тельством
твои́м умири́.

Те́плый наш моли́твенниче, всеросси́йский свети́льниче,
просветителю Сиби́ри и Аме́рики, осени́ го́рним благослове́нием нас, в
ско́рбех сущих, и пода́ждь утеше́ние и избавле́ние от боле́зней
душе́вных и телесных; испроси́ нам свы́ше дух кро́тости, целому́дрия,
смиреному́дрия, терпе́ния и любве́, да проче́е вре́мя жития́ на́шего в
ве́ре и покая́нии поживе́м и в жи́зни ве́чной благода́рне восхва́лим
просла́вльшаго тя Го́спода, Отца́, и Сы́на, и Свята́го Ду́ха, Тро́ицу
Единосу́щную и Неразде́льную, во ве́ки веко́в. Ами́нь.

вьята́го Ду́ха, ны́не и при́сно и во ве́ки веко́в. Ами́нь.